

SKUPŠTINA KANTONA SARAJEVO

Z A P I S N I K S A
DESETE RADNE SJEDNICE SKUPŠTINE KANTONA SARAJEVO
ODRŽANE U Ponedjeljak, 24.06.2019. godine
SA POČETKOM RADA U 10,00 SATI

Sarajevo, juni 2019

Predsjedavajući Elmedin Konaković (U daljem tekstu: predsjedavajući) je pozdravio sve prisutne i otvorio Desetu Radnu sjednicu Skupštine Kantona Sarajevo.

Nakon pozdrava uslijedilo je intoniranje Himne BiH.

Sjednici prisustvuju poslanici/zastupnici:

SDA - STRANKA DEMOKRATSKE AKCIJE

1. Hamed Aljović
2. Jasmina Bišćević-Tokić
3. Samra Čosović-Hajdarević
4. Mirza Čelik
5. Mahir Dević
6. Amra Hasagić
7. Admela Hodžić
8. Smiljana Viteškić

POLITIČKA ORGANIZACIJA "NAROD I PRAVDA"

1. Vedran Jakupović
2. Elmedin Konaković
3. Danijela Kristić
4. Amel Mekić
5. Arijana Memić
6. Elvedin Okerić

POLITIČKA ORGANIZACIJA GRAĐANA "NAŠA STRANKA"

1. Vildana Bešlija
2. Neira Dizdarević
3. Vibor Handžić
4. Damir Marjanović
5. Elvis Vreto

SOCIJALDEMOKRATSKA PARTIJA BOSNE I HERCEGOVINE

1. Igor Stojanović

SAVEZ ZA BOLJU BUDUĆNOST BIH – FAHRUDIN RADONČIĆ

1. Jasna Duraković
2. Zvonko Marić
3. Dževad Poturak
4. Bilsena Šahman

DEMOKRATSKA FRONTA

1. Senad Hasanović
2. Bibija Kerla
3. Sead Milavica

NEZAVISNA BOSANSKOHERCEGOVAČKA LISTA

1. Amra Junuzović-Kaljić

SAMOSTALNI ZASTUPNICI/ZASTUPNICE:

1. Damir Nikšić

Prema evidenciji Službe, sjednici prisustvuje 28 zastupnika, što je dovoljan broj za punovažan rad i odlučivanje.

Izostanak su najavili Sabahudin Delalić i Pleho Haris.

Prijedlog dnevnog reda Desete radne sjednice Skupštine Kantona Sarajevo utvrdio je Kolegij Skupštine na sjednici održanoj dana 12.06.2019.godine.

Na osnovu člana 73. Poslovnika Skupštine Kantona Sarajevo, Kolegij Skupštine Kantona Sarajevo, dana 20.06.2019. godine, prihvatio je da se Prijedlog dnevnog reda Desete radne sjednice, dopuni sa sljedećom tačkom:

1. Nacrt zakona o dopunama Zakona o preuzimanju, izmjenama i dopunama Zakona o zakupu poslovnih zgrada i prostorija (razmatrat će se kao tačka 4.)

Prije prelaska na utvrđivanje Dnevnog reda predsjedavajući je podsjetio da u skladu sa odredbama člana 161. Poslovnika Skupštine Kantona Sarajevo o prijedlozima zakona po hitnom postupku, Skupština odlučuje kao o prethodnom pitanju prije utvrđivanja dnevnog reda sjednice.

U okviru prethodnog postupka uslijedilo je razmatranje **Prijedlog izmjena i dopuna Budžeta Kantona Sarajevo za 2019. godinu, po hitnom postupku.**

Ministar Amel Kovačević je dao obrazloženje za donošenje ovog Prijedloga zakona po hitnom postupku.

Zastupnik Mahir Dević je dao sljedeći komentar:

„Probat ću da budem kratak i koncizan da samo iskažem ovu tendenciju koja se već dešava i da kažem stav Kluba SDA bez namjere da ulazimo sada u neku široku raspravu da ne gubimo vrijeme. Mi smo bili svjedoci da smo usvojili Budžet Kantona Sarajevo pod upravo istim izgovorom kako je jako hitno, važno je zbog integracije UNSA, ne mogu projekti čekati. I tada smo bili suočeni sa situacijom da smo ovdje imali sjednicu bukvalno bez materijala. Ali dobro, to je ono sada što je prošlo. I na toj sjednici naš uvažni premijer, mogu ga i citirati tačno sve šta je govorio od slova do slova u stenogramu ovdje koji je pored mene je rekao da će sve te stvari, svi ti projekti biti ispravljani kroz rebalans budžeta kojeg je tada već najavio. Naravno evo prošlo je skoro sedam mjeseci od imenovanja te Vlade i mi ponovo ulazimo u Izmjene i dopune Budžeta po hitnoj proceduri. Ja razumijem naravno potrebu Vlade da ona radi, da realizira projekte, razumijem i ministra finansija koji je spomenuo ovdje neke stvari koje treba da radi parlamentarna većina i Vlada ali zaista ono što propisuje Poslovnik, odredbe Poslovnika ovdje u svim ovim stvarima apsolutno nema karaktera hitnosti. Znači mi ulazimo u jednu fazu da pravimo neka ad hoc rješenja da nabijamo neki tempo, pravimo neku dinamiku da bi smo imali nekih sjednica, ne znam, devet deset itd, a kvalitet svega toga bojim se da stavljamo na neki način pod upitnik. Tako da evo, bez želje da dalje raspravljamo, repliciramo, naravno, mi nećemo podržati hitni postupak jer smatramo da to ne može ići u

hitnoj proceduri. A naravno uzet ćemo raspravu ukoliko hitni postupak prođe po pitanju izmjene i dopuna Budžeta. Hvala.”

Predsjedavajući je nakon diskusije Mahira Devića zaključio raspravu i pozvao zastupnike **da pristupe izjašnjavanju da se Prijedlog izmjena i dopuna Budžeta Kantona Sarajevo za 2019. godinu donese po hitnom postupku.**

Konstatovano je da je Skupština (21 „za”,8 „protiv”) usvojila prijedlog da se Prijedlog izmjena i dopuna Budžeta Kantona Sarajevo za 2019. godinu donese po hitnom postupku.

Drugi Prijedlog zakona po hitnom postupku je Prijedlog zakona o izmjeni Zakona o izvršavanju Budžeta Kantona Sarajevo za 2019.

Zastupnik Mahir Dević je naglasio da Klub zastupnika SDA neće podržati ni ovaj Prijedlog.

Predsjedavajući je zaključio raspravu i pozvao zastupnike da pristupe izjašnjavanju da se Prijedlog zakona o izmjeni Zakona o izvršavanju Budžeta Kantona Sarajevo za 2019. donese po hitnom postupku.

Konstatovano je da je Skupština (21 „za”,8 „protiv”) usvojila prijedlog da se Prijedlog zakona o izmjeni Zakona o izvršavanju Budžeta Kantona Sarajevo za 2019. donese po hitnom postupku.

UTVRĐIVANJE DNEVNOG REDA SJEDNICE

Predsjedavajući je informisao da se po proceduri dnevni red utvrdi a nakon toga se Skupština izjašnjava o prijedlogu da se prva tačka, poslanička/zastupnička pitanja i inicijative i odgovori razmatra kao posljednja.

PRIJEDLOG DNEVNOG REDA ZA DESETU RADNU SJEDNICU JE SLJEDEĆI:

1. Poslanička/zastupnička pitanja, inicijative i odgovori;
2. Prijedlog izmjena i dopuna Budžeta Kantona Sarajevo za 2019. godinu-hitni postupak;
3. Prijedlog zakona o izmjeni Zakona o izvršavanju Budžeta Kantona Sarajevo za 2019.godinu-hitni postupak;
4. Nacrt zakona o dopunama Zakona o preuzimanju, izmjenama i dopunama Zakona o zakupu poslovnih zgrada i prostorija;
5. Prijedlog odluke o usvajanju Programa razvoja zaštite i spašavanja ljudi i materijalnih dobara od prirodnih i drugih nesreća područja Kantona Sarajevo za period 2019. – 2023. godine.

SKUPŠTINA JE VEĆINOM GLASOVA (21 „ZA” I 8 „PROTIV) USVOJILA DNEVNI RED ZA DESETU RADNU SJEDNICU KAKO JE I PREDLOŽEN.

Nakon utvrđivanja dnevnog reda predsjedavajući je pozvao zastupnice i zastupnie da se izjasne o prijedlogu da se tačka 1. Poslanička/zastupnička pitanja i inicijative i odgovori razmatra kao zadnja tačka.

SKUPŠTINA JE VEĆINOM GLASOVA (20 „ZA” I 9 „PROTIV”) USVOJILA OVAJ PRIJEDLOG.

AD – 2.

PRIJEDLOG IZMJENA I DOPUNA BUDŽETA KANTONA SARAJEVO ZA 2019. GODINU - HITNI POSTUPAK

Prijedlog zakona su zastupnici dobili uz poziv za sjednicu.

Ministar finansija Amel Kovačević je imao uvodne izlaganje uz prezentaciju.

Nakon uvodnog izlaganja i prezentacije otvoren je prostor za pitanja po Prijedlogu izmjena i dopuna Budžeta za 2019. godinu.

Pitanja po Prijedlogu izmjena i dopuna Budžeta za 2019.godinu imali su sljedeći zastupnici i zastupnice: Mahir Dević, Damir Marjanović, Mirza Čelik, Vildana Bešlija, Vedran Jakupović, Samra Čosović Hajdarević, Elvis Vreto, Amra Hasagić, Bilsena Šahman, Jasmina Bišćević – Tokić, Jasna Duraković, Zvonko Marić, Admela Hodžić, Hamed Aljović, Damir Nikšić i predsjedavajući Elmedina Konaković.

Odgovore po resorima dali su sljedeći ministri i ministrice: ministar Mirvad Kurić, ministrica Amela Sofić, ministar Haris Bašić, ministar Srđan Mandić, ministar Adnan Šteta, ministar Malik Garibija, ministar Admir Katica, ministar Damir Filipović, premijer Edin Forto i ministar Amel Kovačević.

Predsjednik Sindikata Saudin Sivro se također obratio Skupštini u dijelu pitanja po ovoj tački dnevnog reda.

Nakon odgovora na pitanja otvorena je diskusija, a na listi prijavljenih našli su se sljedeći zastupnici i zastupnice: Mahir Dević, Samra Čosović- Hajdarević, Vildana Bešlija, Damir Marjanović, Zvonko Marić, Vedran Jakupović, Elvis Vreto, Vibor Handžić, Mirza Čelik, Igor Stojanović, Damir Nikšić, Jasmina Bišćević-Tokić, Bibija Kerla i Smiljana Viteškić, Elvedin Okerić.

Nakon zaključene diskusije predsjedavajući je informisao da Vlada treba pauzu za izjašnjavanje po amandmanima, te podsjetio da je zastupnik Mirza Čelik povukao sve osim ova dva amandmana.

NASTAVAK NAKON PAUZE

Predsjedavajući je podsjetio da je na redu izjašnjavanje po predloženim amandmanima na Prijedlog izmjena i dopuna Budžeta za 2019. godinu.

Premijer Edin Forto se obratio Skupštini te iznio stavove Vlade po određenim amandmanima. (citiramo)

„Evo Vlada je zasjedala. Imali smo tri podtačke dnevnog reda, amandmani zastupnika Mirze Čelika, amandmani zastupnice Hajdarević – Čosović i amandmani Vlade.”

AMANDMAN I

Umanjuje se pozicija Ministarstva saobraćaja u odjeljku „Izgradnja i opremanje tramvajskih stajališta za kontrolisanu naplatu karata i uvođenje elektronskog sistema naplate “ekonomski kod 615400 EAU089u iznosu 1.000.000 KM i uvodi se nova pozicija u Ministarstvu prostornog uređenja, građenja i zaštite okolišau odjeljku Kapitalni transferi neprofitnim organizacijama ekonomski kod 615300 „Sredstva za povećanje energetske efikasnosti objekta OJ Dom zdravlja Ilidža“ u iznosu od 1.000.000 KM.

„Mi smo ovaj amandman odbili ali smo imali amandman Vlade koji je suštinski isti, pa ću objasniti.”

AMANDMAN II

Uvodi se pozicija u Ministarstvu prostornog urđenja građenja i zaštite okoliša Kapitalni transferi neprofitnim organizacijama „**Otkup zemljišta u vodozaštitnoj zoni Hrasnica, Ilidža**“ .

“Prvobitni amandman gđina Čelika bio je 30. miliona, mi smo ovo također odbili ali smo u skladu s njegovom diskusijom otvorili tu stavku na drugi iznos.”

“Amandmani zastupnice Čosović-Hajdarević 1,5 milion KM za rekonstrukciju vrtića Vjeverica, to smo odbili.

Imamo niz drugih projekata sa vrtićima ja se nadam da će ovaj vrlo brzo doći na red.

I Amandman Tekući transferi 100.000 KM sa kabineta predsjedavajućeg. Ovaj amandman je bio u suštini neispravan mada se u obrazloženju vidi da se traži za Studentske domove, ali je u suštini neispravan jer nema gdje se stavlja novac. I taj smo odbili.”

„Amandmani vlade, mi smo u ministarstvu saobraćaja kao što je amandmana zastupnika Čelika bio, sve je isto usvojili smo samo na iznos od 100.000. otaramo praktično stavku za povećanje energetske efikasnosti za DZ Ilidža. Vjerujte kada taj projekat bude spreman mi ćemo ga i uraditi. Danas smo upravo govorili o našem zaduženju kod EBRD za energetske efikasnost javnih objekata. Spremit ćemo ovja projekat i garantujem da ćemo ga u cijelom iznosu uraditi za DZ Ilidža stvarno je potreban. Sada imamo stavku konkretnoi za to na 100.000 a kada bude spreman mi ćemo dodati sredstva na tu stavku. Znači to je sigurno.

Također naš amandman vlade 100.000 KM skidamo sa namjenskog računa Zavoda za izgradnju koji ima namjenska sredstva za otkupe zemljišta u vodozaštitnim zonama i otvaramo novu stavku kao što ste rekli u Ministarstvu prostornog uređenja, samo ovaj put smo isto na 100.000 otvorili stavku „Otkup zemljišta u vodozaštitnoj zoni Hrasnica Ilidža”. Ovo je posebno otkup za njih. Samo bih htio još pojasniti ne postoji način na koji se otkupljuje zemljište iz vodozaštitne zone kada vlasnici žele prodati zemlju moraju ponuditi prvo Kantonu koji im je dao zabranu zbog vodozaštitne zone. Zabranu korištenja i raspolaganja. Mi trenutno nemamo zahtjeva iz Hrasnice. Imamo samo jedan zahtjev mislim iz oblasti oko Vrela Bosne od jednog araspkog investitora i možda još jedan koji je u pripremi na oko 100.000 koji također nije iz Hrasnice. Kako se budu ti zahtjevi dešavali mi ćemo vidjeti da u skladu s mogućnostima to i uradimo. Ovaj amandman je suštinski od zastupnika Čelika.”

„I iz ove rasprave skupštinske od predsjedavajućeg je došla inicijativa za rješenje prijevoza korisnika u ustanovi Domu u Pazariću. Mi smo sa tekuće rezerve kao amandman Vlade stavili 120.000 KM za kapitalne transfere pojedincima otvaramo novu poziciju nabavka kombi vozila ja korisnike JU Zavod za zbrinjavanje mentalno invalidne djece i omladine Pazarić.”

„To su amandmani Vlade. Također želim još reći da je bila rasprava oko izgradnje dječijih igrališta. Mi smo u rebalansu već povećali stavku kod KJKP Park povećana stavka za 200.000 izgradnja dječijih igrališta tako da već imamo to u rebalansu pa nismo intervenisali dodatno kroz amandmane Vlade. Hvala.”

Nakon obraćanja premijera Edina Forte predsjedavajući je pozvao zastupnike i zastupnice da se pristupe izjašnjavanju o amandamanima zastupnice, zastupnika Mirze Čelika i zastupnika Mahira Devića.

AMANDMAN I

Umanjuje se pozicija Ministarstva saobraćaja u odjeljku „Izgradnja i opremanje tramvajskih stajališta za kontrolisanu naplatu karata i uvođenje elektronskog sistema naplate“ ekonomski kod 615400 EAU089u iznosu 1.000.000 KM i uvodi se nova pozicija u Ministarstvu prostornog uređenja, građenja i zaštite okoliša u odjeljku Kapitalni transferi neprofitnim organizacijama ekonomski kod 615300 „Sredstva za povećanje energetske efikasnosti objekta OJ Dom zdravlja Ilidža“ u iznosu od 1.000.000 KM.

ZASTUPNICI SU PRISTUPILI IZJAŠNJAVANJU O „AMANDMANU I” I NAKON REZULTATA GLASANJA KONSTATOVANO JE DA OVAJ AMANDMAN NIJE USVOJEN (9 „ZA” I 12 „SUZDRŽANIH”).

S OBZIROM DA JE BILO PRIMJEDBI NA GLASANJE ZASTUPNICI SU PONOVO PRISTUPILI IZJAŠNJAVANJU I NAKON IZJAŠNJAVANJA SKUPŠTINA NIJE PRIHVATILA OVAJ AMANDMAN (9 „ZA” I 20 „SUZDRŽANIH”).

AMANDMAN V

Uvodi se nova pozicija u Ministarstvu prostornog uređenja, građenja i zaštite okoliša u odjeljku Kapitalni transferi neprofitnim organizacijama ekonomski kod 615300 „Otkup zemljišta u vodozaštitnoj zoni Hrasnica, Ilidža“ u iznosu od 30.000.000 KM. Sredstva je potrebno planirati kroz kreditno zaduženje.

ZASTUPNICI SU PRISTUPILI IZJAŠNJAVANJU O OVOM AMANDMANU I NAKON REZULTATA GLASANJA KONSTATOVANO JE DA OVAJ AMANDMAN NIJE USVOJEN (10 „ZA” I 18 „SUZDRŽANIH”).

AMANDMANI ZASTUPNICE ĆOSOVIĆ – HAJDAREVIĆ.

Amandman I

Umanjuje se pozicija IV Tekuća rezerva člana 6 u iznosu od 1.500.000 KM i dodaje se na poziciju Ministarstvu za obrazovanje, nauku i mlade u KS i to ekonomski kod 821600 “Rekonstrukcija vrtića Vjeverica “

ZASTUPNICI SU PRISTUPILI IZJAŠNJAVANJU O OVOM AMANDMANU I NAKON REZULTATA GLASANJA KONSTATOVANO JE DA OVAJ AMANDMAN NIJE USVOJEN (8 „ZA” I 20 „SUZDRŽANIH”).

Amandman II

Umanjuje se sa pozicije II ukupno tekući transferi 614000 i to sa koda 614300 za 100 000 KM Kabinet predsjedavajućeg i zamjenika predsjedavajućeg SKS.

Predsjedavajući je naglasio sljedeće: „Ovo je nepotpun amandman Vlado o ovom se ne može izjašnjavati uopšte. Samo umanjuje se bez da se negdje. Ovo je neispravan amandman. Ne možemo se kolegice Čosović-Hajdarević o njemu izjašnjavati.”

Amandman III

Umanjuje se pozicija IV Tekuća rezerva člana 6 u iznosu od 1.000.000 KM i dodaje se na poziciju Ministarstvu za obrazovanje, nauku i mlade u KS i to ekonomski kod 615100 “Projekat Opsada i odbrana Sarajeva 92-95-Memorijalni centar Žuč”.

ZASTUPNICI SU PRISTUPILI IZJAŠNJAVANJU O OVOM AMANDMANU I NAKON REZULTATA GLASANJA KONSTATOVANO JE DA OVAJ AMANDMAN NIJE USVOJEN (9 „ZA” I 20 „SUZDRŽANIH”).

AMANDMANI KLUBA ZASTUPNIKA SDA

Amandman I

„U Budžetu Kantona Sarajevo u okviru planiranih pozicija za Ministarstvo za privredu Kantona Sarajevo, na budžetskoj poziciji “615400 IAU020 047F Infrastrukturalno uređenje i rješavanje imovinsko-pravnih odnosa u privrednim i poslovnim industrijskim zonama KS” planirana su sredstva u iznosu od 2.934.565,00 KM, odnosno izvršeno je smanjenje u odnosu na planirana sredstva Budžetom Kantona Sarajevo za 2019. godinu za 705.435,00 KM. Smatramo da je navedeni iznos potrebno povećati za 300.000,00 KM, a sredstva za predloženo povećanje se mogu osigurati po osnovu neopravdanih povećanja Budžetskih pozicija “615400 IAU020 047F Podrška projektima KC Skenderija” sa 200.000,00 na 300.000 KM i 615400 IAU042 047F Podrška KJP Centru Skenderija” sa 100.000,00 KM na 300.000 KM”.

ZASTUPNICI SU PRISTUPILI IZJAŠNJAVANJU O OVOM AMANDMANU I NAKON REZULTATA GLASANJA KONSTATOVANO JE DA OVAJ AMANDMAN NIJE USVOJEN (8 „ZA” I 20 „SUZDRŽANIH”).

AMANDMAN II

U razdjelu Ministarstva prostornog uređenja, građenja i zaštite okoliša pozicija 615200 Subvencioniranje mladih pri rješavanju stambenog pitanja se **umanjuje** za iznos budžetskih sredstava 2.492.400 KM.

U razdjelu Ministarstva privrede pozicija 614300 Projekti zapošljavanja mladih se **povećava** za iznos 2.492.400 KM.

ZASTUPNICI SU PRISTUPILI IZJAŠNJAVANJU O OVOM AMANDMANU I NAKON REZULTATA GLASANJA KONSTATOVANO JE DA OVAJ AMANDMAN NIJE USVOJEN (8 „ZA” I 21 „SUZDRŽANIH”).

AMANDMAN III

U razdjelu Ministarstva kulture i sporta sredstva na razdjelima **umanjiti** pozicije „Vrhunski sport-kriteriji“ iznos 500.000 KM i pozicija „Takmičarsko-razvojni sport – kriteriji“ iznos 500.000 KM, dakle ukupno 1 mil KM.

U razdjelu Ministarstva prostornog uređenja, građenja i zaštite okoliša pozicija 615300 Sredstva za povećavanje energetske efikasnosti individualnih objekata u vlasništvu lica u stanju socijalne potrebe se **uvećava** za iznos od 1 mil KM.

ZASTUPNICI SU PRISTUPILI IZJAŠNJAVANJU O OVOM AMANDMANU I NAKON REZULTATA GLASANJA KONSTATOVANO JE DA OVAJ AMANDMAN NIJE USVOJEN (8 „ZA”,2 „PROTIV” I 17 „SUZDRŽANIH”).

NAKON IZJAŠNJAVANJA PO AMANDMANIMA PREDSEDAVAJUĆI JE POZVAO ZASTUPNIKE DA PRISTUPE IZJAŠNJAVANJU O PRIJEDLOGU IZMJENA I DOPUNA BUDŽETA KANTONA SARAJEVO ZA 2019. GODINU.

NAKON ELEKTRONSKOG GLASANJA KONSTATOVANO JE DA JE SKUPŠTINA VEĆINOM GLASOVA (21 „ZA” I 8 „PROTIV”) USVOJILA PRIJEDLOG IZMJENA I DOPUNA BUDŽETA KANTONA SARAJEVO.

AD-3.

PRIJEDLOG ZAKONA O IZMJENI ZAKONA O IZVRŠAVANJU BUDŽETA KANTONA SARAJEVO ZA 2019.GODINU - HITNI POSTUPAK

S OBZIROM DA NIJE ISKAZANA POTREBA ZA UVODNIM NAPOMENAMA I DA NIJE BILO PRIJAVLJENIH ZA PITANJA I DISKUSIJU, PREDSEDAVAJUĆI JE POZVAO ZASTUPNICE I ZASTUPNIKE DA PRISTUPE IZJAŠNJAVANJU O PRIJEDLOGU ZAKONA O IZMJENI ZAKONA O IZVRŠAVANJU BUDŽETA KANTONA SARAJEVO ZA 2019. GODINU.

NAKON ELEKTRONSKOG GLASANJA KONSTATOVANO JE DA JE SKUPŠTINA USVOJILA OVAJ ZAKON VEĆINOM GLASOVA (21 „ZA” I 8 „PROTIV”).

AD – 4.

NACRT ZAKONA O DOPUNAMA ZAKONA O PREUZIMANJU, IZMJENAMA I DOPUNAMA ZAKONA O ZAKUPU POSLOVNIH ZGRADA I PROSTORIJA

Nacrt su zastupnici dobili u dopunskom materijalu.

Zastupnik Mahir Dević i zastupnica Amra Junuzović-Kaljić su bili jedini diskutanti po ovoj tački dnevnog reda.

U nastavku predsjedavajući je pozvao zastupnike i zastupnice da se izjasne o zaključcima po Nacrtu zakona o dopunama Zakona o preuzimanju, izmjenama i dopunama Zakona o zakupu

poslovnih zgrada i prostorija i nakon elektronskog glasanja konstatovano je da je Skupština po Nacrtu zakona o dopunama Zakona o preuzimanju, izmjenama i dopunama Zakona o zakupu poslovnih zgrada i prostorija jednoglasno (27 „za”) donijela sljedeće

ZAKLJUČKE:

1. Utvrđuje se Nacrt zakona o dopunama Zakona o preuzimanju, izmjenama i dopunama Zakona o zakupu poslovnih zgrada i prostorija;
2. Javna rasprava održaće se u kantonalnim organima, jedinicama lokalne samouprave, naučnim i stručnim ustanova i trajaće **10 dana**.
3. Primjedbe, prijedlozi, sugestije zastupnika i mišljenja radnih tijela Skupštine dostavljaju se Vladi Kantona Sarajevo koja organizuje i provodi javnu raspravu.
4. Vlada Kantona Sarajevo je dužna da nakon provedene javne rasprave podnese Skupštini Izvještaj o rezultatima javne rasprave koji sadrži primjedbe, prijedloge i mišljenja, kao i da da obrazloženje razloga zbog kojih pojedine primjedbe, prijedlozi i mišljenja nisu prihvaćeni u pripremi Prijedlog zakona o dopunama Zakona o preuzimanju, izmjenama i dopunama Zakona o zakupu poslovnih zgrada i prostorija.

AD – 5.

PRIJEDLOG ODLUKE O USVAJANJU PROGRAMA RAZVOJA ZAŠTITE I SPAŠAVANJA LJUDI I MATERIJALNIH DOBARA OD PRIRODNIH I DRUGIH NESREĆA PODRUČJA KANTONA SARAJEVO ZA PERIOD 2019. – 2023. GODINE

TAČKA JE POVUČENA IZ TEHNIČKIH RAZLOGA.

AD – 1.

POSLANIČKA/ZASTUPNIČKA PITANJA, INICIJATIVE I ODGOVORI

Zastupnica Bibija Kerla je podnijela sljedeće: „Hvala lijepa. Ja imam danas dvije inicijative i par pitanja. Počet ću sa inicijativom za Ministarstvo rada i socijalne politike. Pokrećem inicijativu o produženju programa „Posao za sve” Zavoda za zapošljavanje Kantona Sarajevo. Molim moje kolege da se malo utišaju. Obrazloženje: programom Vlade Kantona Sarajevo i resornog Ministarstva ove godine nastavljen projekat „Posao za sve u Kanton Sarajevo”. Veliki broj radnika je protekla dva mjeseca bio angažovan u KJU Park i RAD, međutim dva mjeseca su veoma brzo prošla. Dobili smo čist i uredan grad ali da bi smo to zadržali predlažem da Skupština donese odluku da se iz predviđenih sredstava „Posao za sve” nastavlja aktivnost i sljedećih šest mjeseci kako bi smo onim ljudima koji su radili dva mjeseca na projektima javnih radova u Kantonu Sarajevo dali priliku da im se taj rad produži na šest mjeseci . I KJP Park i KJP Rad su uputili svoje zahtjeve Zavodu za zapošljavanje sa određenim brojem radnika pa predlažem da Skupština Kantona danas donese takvu jednu odluku. Koliko je meni poznato, svake godine do sada određeni dio sredstava za ovu namjenu se prebacivao za iduću godinu, a da se to ne bi dešavalo molim koje kolege da usvojimo ovu inicijativu kako bi oni koji su svojski odradili dva mjeseca mogli raditi još šest mjeseci i tako djelimično poboljšati svoju realtivno slabu finansijsku situaciju. Ja molim ministra kasnije za jednu usmenu repliku, odnosno podršku za sve ovo.

- Dalje, pokrećem inicijativu o izbacivanju plastičnih kesa u svim maloprodajnim objektima. Obrazloženje: Svi vrlo dobro znamo koliku štetu u zaštiti okoliša nanose plastične kese. Uzmimo samo korita rijeka koja su okićena plastičnim kesama, izletišta i sva druga javna

mjesta. Bilo bi dobro da Skupština na nekim od narednih Sjednica donese Odluku o zabrani upotreba plastičnih kesa, s tim da se da određeni rok da se objekti koji prodaju robu a ujedno i plastične vreće za prilagođavanje ovoj Odluci. Ova Odluka je stupila na snagu u ostalim državama regiona pa ne vidim nikakvih problema da se to sprovede i kod nas.

- Imam jedno pitanje a ono se odnosi Postoji li kakva sankcija kazna za izvođenje radova na mostu u naselju Halilovići. Obrazloženje, počela je popravka urušenog mosta u naselju Halilovići u Sarajevu na koju građani čekaju već nekoliko mjeseci. Međutim, uslijedila su nova razočarenja jer radnici beton i šutu s mosta bagerom istresaju u rijeku. Građevinci s bagerom komade betona i šute s mosta istresaju u rijeku Željeznicu koja protiče ispod mosta. Umjesto da ovaj otpad odvoze na to predviđeno odlagalište građevinskog materijala. Zato pitam da li postoji ikakve sankcije za ovakvo ponašanje izvođača radova.

- Ministarstvu rada i socijalne politike, da li Kanton Sarajevo ima i ako ne, kada će Vlada donijeti Zakon o zaštiti i finansiranju porodica s djecom u poteškoćama razvoju. Obrazloženje: U Kantonu Sarajevo postoji zakon o djelatnosti socijalne zaštite, zaštite civilnih žrtava rata i zaštite porodice sa djecom i to propisan u Službenim novinama 38/14 ali u njemu ne postoji stavkazaštita i finansiranje porodica s djecom u poteškoćama u razvoju pa me interesuje da li Vlada i resorno ministarstvo imaju u planu donošenje tog zakona. Ovim zakonom bi se zaštitile porodice koje imaju djecu sa posebnim potrebama a koje su gorući problem našeg društva. Imala bih još toga ali ostavljam mojim kolegama. Hvala lijepo.”

Zastupnik Mirza Čelik je podnio sljedeće: „Ja sam predao nekoliko inicijativa i pitanja, ali ću danas pročitati samo jednu inicijativu a za sljedeću sjednicu, po osnovu ove inicijative ću pripremiti zaključak i molit ću na sljedećoj sjednici zastupnike da se izjasne po ovoj inicijativi. Pokrećem inicijativu prema Ministarstvu za obrazovanje, nauku i mlade Kantona Sarajevo da u pripremama za predstojeću 2019./2020. školsku godinu, pri anketiranju učenika po pitanju odabira maternjeg jezika u školama obavezno primjenjuje odredbe člana 8. Ustava Kantona Sarajevo (Amandman na Ustav LIII), člana 7. Zakona o osnovnom odgoju i obrazovanju Kantona Sarajevo, člana 9. Zakona o srednjem obrazovanju Kantona Sarajevo kao i Zaključaka naučnog odbora Naučnog savjetovanja o pitanju jezika od 6. aprila 2019. godine.

Obrazloženje neću čitati dostavit ću uz inicijativu i naravno tražit ću na sljedećoj sjednici kao što sam i kazao izjašnjenje zastupnika po ovoj inicijativi. Hvala.”

Zastupnica Jasmina Bišćević-Tokić je podnijela sljedeće: ”Pa evo ja bih zamolila i apelirala na Vladu na čelu sa premijerom da mi se dostavi odgovor na inicijative koje sam uputila još u martu mjesecu. Radilo se o inicijativi za donošenje uredbe kojim bi se propisala obaveza poslodavcima koji se bave trgovinom u Kantonu Sarajevo da radnicima ili radnicima na kasi moraju obezbijediti stolicu kao isto tako druga inicijativa je bila za neradne dane za vrijeme državnih praznika. Zahvaljujem.”

Zastupnica Admela Hodžić je podnijela sljedeće: „Pokrećem inicijativu prema Kolegiju Skupštine Kantona Sarajevo da na narednu redovnu sjednicu Skupštine Kantona Sarajevo obavezno uvrsti kao tačku dnevnog reda Informaciju o migrantskoj krizi i bezbjednosnoj situaciji u Kantonu Sarajevo, odnosno prihvatnom centru Ušivak i općini Hadžići a što je Općinsko vijeće Hadžići tražilo svojim zaključkom koji će dostaviti Kolegiju Skupštine Kantona Sarajevo. Obrazloženje: Zbog narušene bezbjednosne situacije i sve većeg broja migranata na Općini Hadžići tražimo da se ova tačka obavezno uvrsti kao tačka dnevnog reda na sljedećoj Sjednici Skupštine Kantona Sarajevo. Zbog učestalih napada na stanovnike Hadžića, otuđenja ličnih stvari te štete koju nanese privrednicima Hadžića zbog učestalih krađa. Također su znatni i problemi u javnom prijevozu gdje na autobusnim stajalištima u svaki autobus uđe veća grupa migranata zbog čega vrlo često za naše građane nema mjesta u

javnom prijevozu.”

„Sljedeća inicijativa je podnosim inicijativu Ministarstvu pravde i uprave Kantona Sarajevo za uspostavu “Registra novčanih kazni” prekršajnih naloga izdatih od strane Službi općinskih inspektora svih devet općina Kantona Sarajevo. Obrazloženje neću čitati sigurna sam da ministrica zna o čemu se radi i iz službi općinske inspekcije stoje na raspolaganju ukoliko ministrica ih pozove da razgovaraju o ovoj temi. Hvala.”

Zastupnik Elvedin Okerić je uputio zastupničku inicijativu kako slijedi: „Imam zastupničku inicijativu koju upućujem prema Vladi Kantona Sarajevo vezano za Peticiju koju su podnijeli stanari ulica Mirslova Krleže, Dobrinja Novi Grad. Podnosim inicijativu da se iznađe rješenje za njihove probleme, prije svega saobraćaj u mirovanju. Peticiju su već građani predali nadležnim putem protokola, a obzirom da se ovdje preklapaju nadležnosti Kantona i Općine potrebno je zajedno pristupiti rješavanju navedenih problema, vijećnik Mirza Selimbegović je podnio istu inicijativu i na Općinskom vijeću Novi Grad Sarajevo.”

Obrazloženje: „Stanari nemaju na raspolaganju nijedan besplatan parking u ovom dijelu Dobrinje jer parking u blizini je pretvoren u trolejbusku okretaljku, a garaže koje su planski izgrađene za stanare date na upravljanje KJKP “Rad” (samo se djelimično koriste). Iz navedenih razloga stanari su vozila parkirali na trotoare iza zgrade te zadnja dva mjeseca svaki dan dobijaju parking kazne. Građani su predložili više rješenja te je potrebno ispitati u čijoj je nadležnosti cesta između ulica Miroslava Krleže i Vahide Maglajlić i da li je moguće iskoristiti po jednu traku za ucrtavanje parking mjesta za stanare, kao i u čijem su vlasništvu pomenute garaže, kojim ugovorom i na koji period su date KJKP Rad na upravljanje i pod kojim uslovima? Osim toga građani zahtijevaju da se ulice osiguraju postavljanjem znakova ograničenja, označavanjem pješačkih prelaza i horizontalnih usporivača, te uklanjanje nelegalnih objekata, uređenje i rekonstrukciju ulica i parkova, te redovnije održavanje istih. Hvala.”

Zastupnica Jasna Duraković je podnijela sljedeće:

„Zahvaljujem. Ja za danas imam samo jednu zastupničku inicijativu koju upućujem prema Vladi Kantona Sarajevo. Naime, pokrećem inicijativu uz prijedlog da se konačno pronade rješenje da VIK poduzme hitno mjere na rješavanju vodosnabdijevanja naselja Krivoglavci u općini Vogošća. Padinski dio Krivoglavaca nema izgrađenu vodovodnu mrežu gradskog vodovoda. Isti se snabdijevaju sa lokalnog vodovoda koji je vrlo malog kapaciteta, što je najgore nalazi koji se rade mjesečno rijetko su kada uredni, kao i ova dva posljednja, za mjesec maj i juni. Ovaj problem općina Vogošća i VIK rješavaju, vjerovali ili ne, više od 10 godina. Još se nije našlo rješenje i naravno sve ostaje na obećanjima i nedostatku novca. Da li je zaista potrebno da se posebno obrazlaže ovaj problem ili ne daj Bože da se desi neka epidemija zaraze i slično, mislim da bi onda tek neko ozbiljno pristupio rješavanju ovog problema. Stoga zaista su građani su u panici, ogorčeni su na dosadašnu neodgovornost, kako općine tako i VIK-a, te se naravno nadam evo i ja Skupština KS, kao i Vlada KS poduzeti adekvatne mjere konačno da se ovaj problem riješi. Toliko hvala.”

Zastupnik Zvonko Marić je podnio sljedeće: „Ja imam dvije inicijative i mislim da se tiču Ministarstva privrede i MUP-a Kantona Sarajevo. Žao mi je što ministar nije tu, ali znat će za ovu inicijativu.”

„Molim Ministarstvo unutarnjih poslova, budući da sam govorio i na sjednicama ranije o ovom problemu, o bespravnoj sječi, krađi, kriminalu u Šumama sarajevo, dakle molim MUP Kantona Sarajevo da pruži asistenciju u okviru ili sukladno svojim mogućnosti i u okviru svojih nadležnosti naravno, uposlenicima Uprave za šumarstvo, kao i Kantonalnoj upravi za

inspekcijske poslove u njihovim aktivnostima na sprečavanju bespravne sječe šuma. U njihovim redovnim aktivnostima se dešavaju napadi u vidu verbalnih prijetnji, fizičkih nasrtaja i napada, stoga molim da im se pruži sva moguća zaštita na obavljanju njihovog redovnog posla u borbi sa kriminalcima koji pustoše šumu i tako uskraćuju jedan vid budućnosti mladih ljudi koji bježe iz svakodnevnice koja im je kreirana na područjima Kantona Sarajevo ali u BiH: Također molim da se pojača kontrola na javnim i magistralnim putevima, a naročito na lokalnim putevima koji vode od mjesta ilegalne sječe do nepoznatih destinacija. Molim da me nakon poduzetih aktivnosti ova Ministarstva izvijeste o tome što su učinili na ovom planu. I sukladno tome, ili na istom fonu, da kažem da molim Vladu Kantona Sarajevo da izvrši popunu sistematizovanih radna mjesta za šumarske inspektore unutar Kantonalne uprave za inspekcijske poslove kako bi se što efikasnije spriječavala bespravna sječa šume na području Kantona Sarajevo. Mislim da je ovo veoma važno i da će premijer Forto a i Vlada uvažiti ovu sugestiju i ovu inicijativu čim prije kako bi se spriječila enormna šteta koja se nanosi šumama Kantona Sarajevo.”

Zastupnik Hamed Aljović je postavio zastupničko pitanje kako slijedi: ”Molim Ministricu obrazovanja, nauke i mladih Kantona Sarajevo Zinetu Bogunić da mi odgovori koje mjere će poduzeti protiv odgovornih osoba u JU “Osnovna Muzička Škola“ Ilidža zbog nezakonitog upisa u sudski registar Općinskog suda u Sarajevu i falsifikovanje službenih isprava? Naime, na 9. Radnoj sjednici Skupštine Kantona Sarajevo, održanoj 21.12.2015.godine postavio sam zastupničko pitanje „Molim Ministarstvo za obrazovanje, nauku i mlade Kantona Sarajevo da mi dostavi spisak osoba ko ji su predstavnici Ministarstva u školskim odborima u OŠ. Iz odgovora se vidi da JU "Osnovna Muzička Škola" Ilidža u tom periodu nije imala Školski odbor. Međutim, dana 11.06.2019.godine dobio sam Historijski izvod iz sudskog registra iz kojeg se vidi da je u periodu 2015-2016.godina u Sudski registar bili upisani Dijana Preljević i Mustafa Mujibegović kao direktori JU "Osnovna Muzička Škola" Ilidža. Budući da znam da bi se upisali u Sudski registar morate imati Odluku Školskog Odbora o izboru direktora nije mi jasno kako su se isiti upisali kao direktori? Zahvaljujem.”

Zastupnica Vildana Bešlija je podnijela sljedeće:

„Ja ću pročitati, imam više pitanja i inicijativa koje ću dostaviti u pisanoj formi ali ću pokušati dvije, eventualno ako stignem, tri, kratko predočiti ovdje. Prva je u upućena Ministarstvu prostornog uređenja, građenja i zaštite okoliša. Odnosno to su pitanja. Ko je nadležan za upravljanje i održavanje izletišta Stojčević? Ko ima pravo da naplaćuje parking i boravak na pomenutom izletištu? Da li nadležene kantonalne inspekcije obilaze preko vikenda izletišta i kako je moguće da neka grupa građana naplaćuje parking a da ne postoji cjenovnik na ulazu na izletišta i uz to da se tjerao posjetio zbog dolaska sa kućnim ljubimcima, psima? Također jedna druga inicijativa koju upućujem prema dva Ministarstva. Ministarstvo saobraćaja Kantona Sarajevo i Ministarstvo komunalne privrede i infrastrukture Kantona Sarajevo. Znači inicijativa za nabavku i montažu kanti za smeće na svim stajalištima javnog prijevoza, tramvajskim, trolejbuskim i autobuskim. Neophodno je izvršiti analizu ukupnog broja svih stajališta na području svih opština Kantona Sarajevo te okvirnu procjenu okvirnih finansijskih sredstava za nabavku i montažu kanti za smeće na svakom od stajališta. Realizacija se može planirati u dvije faze da se prvo pokrije centralno jezgro Kantona tje područje četiri gradske opštine kao i čitavu dužinu tramvajske i trolejbuske linije i druga faza pokriti ostale općine u Kantonu Sarajevo. Ovo je samo jedna od mogućnosti a naravno najbolje bi bilo kada bi se odmah pokrila sva stajališta u centralnim dijelovima opština. Zbog svega navadenog na prijedlog vijećnice u Općinom vijeću Ilidža Azra Jahić podnosim ovu inicijativu te smatram da bi najučinkovitije bilo da gore pomenuta dva Ministarstva nađu zajedničko rješenje za ovaj problem čim prije. Posebno moram naglasiti da ni velika akcija čišćenja koja je trajala u protekla dva mjeseca neće imati nikakav značaj ukoliko tramvajska i autobuska stajališta i da

lje ostanu mjesto razbacanog smeća. I također treća inicijativa koju upućujem prema Ministarstvu saobraćaja i Vladi Kantona Sarajevo. Odnosi se na izgradnju parkinga i uvođenje dodatnih naprava za kratkotrajno parkiranje bicikala kako bi se stvorili bolji uslovi za korištenje bicikala kao prevoznog sredstva u Kantonu Sarajevo. I to za parkiranje na kraći period trebalo bi odvojiti veći broj manjih rezervisanih površina i te ih opremiti prikladnim parking sistemom koji podupire bicikl i za koji se on može sigurno pričvrstiti i za parkiranje na duži period u kojem bi se slučaju trebala obezbijediti povećana zaštita od krađe, izgradnja zaštićenih parking mjesta, poput spremnika i nadziranih stanica. Hvala. Znači molim na sve inicijative pisani odgovor”.

Dopredsjedavajuća Danijela Kristić je podnijela sljedeće: ”Ja sam u januaru podnijela zastupničko pitanje za KCUS. Obzirom da nisam dobila nikada odgovor, ponovit ću istu.

Da li je KCUS imenovao osobu za finansijsku unutrašnju kontrolu tj. Koordinatora za finansijsko upravljanje i kontrolu koje je definisano članom 14 Pravilnik o provođenju finansijskog upravljanja I kontrole u javnom sektoru FBiH, objavljeno u Službenim novinama FBiH br.06/2017. Ako jeste, molim ime i prezime te osobe, kao i Odluku o imenovanju i molim da se dostavi Skupštini KS Izvještaj za 2017 godinu, koji je trebao bit sačinjen u skladu sa Zakonom o unutrašnjoj finansijskoj kontroli i Pravilnikom o provođenju finansijskog upravljanja i kontrole u javnom sektoru FBiH član.10, objavljeno u Službenim novinama FBiH br.06/2017. A sada možete ujedno dostaviti izvještaj za 2018, pošto je i on morao biti gotovo. Hvala.”

Zastupnik Amel Mekić je podnio sljedeće: „Imao bih dva pitanja za ministricu obrazovanja, gospođu Bogunić. Prvo pitanje šta planira poduzeti kako bi eksterna matura u OŠ bila stvarno sprovedena? Obrazloženje: dobio sam veliki broj žalbi od roditelja gdje se jasno ukazuje da se na maturi učenici puštaju da prepisuju i na taj način omogućava da se u isti koš svrstavaju djeca koja su stvarno učila i naučila i djeca koja to nisu. I drugo pitanje. Da li razmišlja da se uradi kategorizacija srednjih škola prilikom upisa na fakultete. Obrazloženje kratko: jer nije isto završiti tekstilnu školu i Bošnjačku gimnaziju a isto se na kraju boduje prilikom upisa. Detaljno obrazloženje ću dostaviti službama i ministricama. Hvala.”

Zastupnik Dizdarević Neira je podnijela sljedeće: „Pa s obzirom da je ministrica Bogunić danas opravdano odsutna kako smo već čuli imala sam namjeru da joj postavim ovo pitanje i da zamolim za usmeni odgovor, ali evo ovim putem onda molim da mi se odgovori pismenim putem iz razloga što smo bili svjedoci posljednjih dana u medijima raznih natpisa vezano za pohađanje nastave po EDUS programu za djecu s poteškoćama u razvoju. Interesuje me u kojoj je fazi rješavanje problema pohađanja nastave po EDUS programu i da li je tačna informacija da zbog nedostatka resursa EDUS Neće moći realizirati ljetnu školu? Ostalo ću predati u pisanoj formi da ne bih oduzimala vrijeme dalje. Hvala.”

Zastupnik Damir Marjanović je postavio jedno pitanje i podnio inicijativu kako slijedi: „Dakle jedno pitanje i jedna inicijativa. Pitanje da li su članovi školskih odbora dužni prilikom izbora direktora srednjih škola tražiti mišljenje i uvažiti isto mišljenje struktura iz kojih su izabrani. Obrazloženje: Prema članu 142 Zakona o srednjem obrazovanju Kantona Sarajevo propisan je sastav školskih odbora i jasno je precizirano koje strukture daju svoje predstavnike u školskom odboru. No, navedeni Pravilnik ostavlja nedoumice glede tumačenja uloge predstavnika ovih struktura u izboru direktora, tj. da li članovi školskih odbora u ovom procesu su dužni da zastupaju interese struktura koje predstavljaju ili samo iznose svoje osobno mišljenje. Što se tiče zastupničke inicijative, prošli put smo odlučili da idemo u reviziju visokog obrazovanja. Sada bi vrijeme bilo Zakona o srednjem obrazovanju. Tako da pokrećem inicijativu da se odmah pokrenu aktivnosti glede pripreme izmjene Zakona o

srednjem obrazovanju sa posebnim osvrtom na član 142 stav 29 po kojem sastav školskih odbora čini paran broj članova. Normalno tu podrazumijeva ostale članove Zakona i cijeli Zakon revidirati. A namjerno smo izdvojili ovaj nonsens gdje u jednom upravljačkom tijelu imate paran broj članova. Hvala velika.”

Zastupnik Sead Milavica je uputio sljedeće: ”Ja za danas imam samo jednu inicijativu. Upućujem je Vladi Kantona Sarajevo. Na osnovu člana 106 i 213 Poslovnika Skupštine Kantona Sarajevo Sl.novine Kantona Sarajevo broj 25/10, 14/11, 19/11, 7/12, 26/12 prema Skupštini Kantona Sarajevo, pokrećem inicijativu prema Vladi Kantona Sarajevo kojom bi se povećao stepen socijalne inkluzije osoba sa poteškoćama u razvoju, posebice osoba sa intelektualnim poteškoćama prilikom angažovanja na budućim javnim radovima akcijama, te radnim odnosima na poslovima za koje nisu potrebne posebne vještine i za koje ne postoji velika zainteresovanost u Kantonu Sarajevo na minimalno 20% od ukupnog broja otvorenih pozicija. Ja ću pročitati samo jedan dio obrazloženja ovo ostalo ću dostaviti u pisanoj formi. Dakle, osobe sa poteškoćama u razvoju su jedna od ekonomsko i socijalno najranjivijih kategorija društva, a na njihovu dobrobit utiče postojanje sistemskih prepreka koje ograničavaju njihovu mobilnost, pristup uslugama, učešće u obrazovanju, tržištu rada i slobodnim aktivnostima, kao i njihovo ukupnu socijalnu uključenost i ekonomsku nezavisnost. Također, pored svega navedenog, osobe sa intelektualnim teškoćama ili složenim potrebama su izloženi stigmatizaciji društva, a to je posebno pogubno za mlade ljude koji spadaju u ovu kategoriju. Kreiranjem posebne kvote od 20% za angažiranje ove kategorije društva, prilikom planiranja i implementacije svih budućih akcija, kao što je nedavna akcija čišćenja Kantona, postiže se niz pozitivnih efekata za sve uključene strane. Dakle obrazloženje je malo duže ali evo ja ću ovo dostaviti u pisanoj formi. Hvala.”

Ministar Malik Garibija je dao odgovor na pitanje zastupnice Bibije Kerle.

Predsjedavajući je podsjetio da je zastupnica Bibija Kerla tražila usmeni odgovor na svoje pitanje te da nije više bilo zahtjeva za usmenim obraćanjem.

Nakon obraćanja ministra, rad na Desetoj sjednici Skupštini Kantona Sarajevo je zaključen.

Zapisnik izradila:

Jasminka Deliahmetović

Po ovlaštenju
S E K R E T A R
SKUPŠTINE KANTONA SARAJEVO

Almira Kulovac Šetkić, dipl. pravnik

P R E D S J E D A V A J U Ć I
SKUPŠTINE KANTONASARAJEVO

Elmedin Konaković

